



**Claudii Fleurii Abbatis Historia Ecclesiastica**

Ab anno Christi 1702. usque ad annum 1708

**Fleury, Claude**

**August. Vind. [u.a.], 1781**

**VD18 13322648**

§. 107. Petri Salazar Barbarigo Cardinalis extrema.

---

[urn:nbn:de:hbz:466:1-67633](#)

Sæc. XVII. temptationibus dicavit, suæque Ecclesie  
A.C. 1706. siæ, gregisque commodis Pastorali sollicitudine invigilans die vigesima Maii anno ætatis suæ sexagesimo sexto animam suam Deo reddidit.

## §. CVII.

*Petri Salazar Cardinalis extrema.*

*Vit. Card.  
png. 84.*

Quartus ex Cardinalibus hoc anno denatis erat Petrus Salazar natione Hispanus. Hic Ordinem B.M.riæ de Mercede redemptionis Captivorum professus, ac vita morumque honestate necnon insigni doctrina, maxime Theologiæ scientia conspicuus multis annis conciones Apostolico spiritu plenas ad populum habuit, tam nominis sui famam adeptus, non modo inter suos variis, iisque honorificis officiis augeretur, sed etiam Hispano Regi a Concionibus, arcane que Consiliis, necnon Viduæ Regiae confessionibus esse mereretur: Tandem in supremum Ordinis sui Magistrum electus, ad Hispani Regis precium ab Innocentio XI. Purpuratorum Senatus adscriptus est, & paulopost in Salmanticensem, & demum Cordubum Episcopum nominatus, præclarum virtutum exemplis ubique præluxit.

Ent.

Eminuit in eo præcipue morum integritas, vitæ humilitas, raraque prudenter: contempserat aulæa, abacus, omnemque superfluum Domus suæ ornatum, & propria tantum virtute, proborum & pauperum consortio, mensaque frugali delectatus, modestiæ potius quam luxui inserviit: Denique Philippo V. Hispaniarum Regi percarus, meritis annisque plenus die vigesima quinta Augusti octogenarius beato sine e vita migravit.

Sæc. XVII.  
A.C. 1706.

## §. CVIII.

*Ludovici Homodei Cardinalis  
mors.*

Obiit etiam hoc anno Ludovicus Homodeus Mediolanensis Patritius, Madriti in Hispania natus, ibi emque moribus ac studiis apprime excultus. Hic anno ætatis suæ trigesimo unacum Cardinale Marescotto tum summi Pontificis Nuntio Romam delatus, atque a suo Patruo Cardinale Aloysio ad Clericalem Statum permotus, eidem moribundo extrema pietatis officia singulari animi alacritate ad obitum usque præstitit, omnium facultatum heres ab eodem scriptus. Auctus tanta fortuna, crescente etiam meritorum fama ab Innocentio XI. inter Protonotarios

Eggs Purp.  
doct. suppl.  
<sup>t</sup> 4. p. 613.

Hist. Eccles. Tom. LXVII. Dd Apo-